



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno Christi 1000. Usque Ad Annum 1063

**Fleury, Claude**

**August. Vind. [u.a.], 1761**

**VD18 90117956**

§. 70. Epistolæ ad Berengarium datæ.

---

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

dere, in primo statim aditu defecerunt, & custodiæ dati sunt. In eodem Concilio Papa a Ministerio Sacerdotali suspendit Hunfredum Archiepiscopum Ravennatem, quod cum Ecclesia Romana iurgaretur. Dominico autem Patriarchæ Gradenſi Pallium concessit & Privilegium, quo præcipere posset, Crucem, cum procederet, præferri. Datisque ad Episcopos Venetorum & Istriæ literis, Dominico tanquam Primati suo obedire eos iussit.

Concilio Vercellensi soluto Leo Papa superatis alpibus Tullum venit, ubi Monasterio vulgo Sancti *Mansui* Privilegium vigesima secunda Octobris anno millesimo quinquagesimo contulit. Et Reliquias S. Gerardi Episcopi Tullensis, quem in Concilio Romano canonizaverat, solemni Ritu transtulit. Tum in Lotharingia & Germania usque ad mensem Februarium anni sequentis moratus est.

## §. LXX.

*Epistolæ ad Berengarium datæ.*

In Francia nihil magis hominum sermonibus ferebatur quam Berengarii Hæresis, quæ occulte propagabatur, probis omnibus malum horrentibus. Quo comperto Henricus Rex, Episcopis & Optimatibus Regni sui suadentibus, indicto

*Hist. Eccles. Tom. XIV.*

Cc

ad

Sæculum XI.  
A.C. 1050.*Herm. Cont.*

1050.

*Dandul. ap.**Baron. ann.*

1050.

*Ital. Sæc. to.*

5. p. 1189.

*vit. lib. II.*

c. 6.

*Durand.*



Sæculum XI. ad decimam sextam Octobris Parisiis  
A.C. 1050. Concilio, Berengario per nuncios præci-  
 pit, ut veniret. Interim Berengarius ad  
 Ascelinum, Monachum Beccensem, qui  
 Colloquio Briotnensi interfuerat episto-  
 lam dedit in hunc sensum:

*Longe aliter vobis scribendum fuerat,*  
*Ap. Lanfr. si mihi libere scribendi potestatem vis Di-*  
*p. 24. to. 9. vina fecisset; quod cum non fecerit, sal-*  
*Conc. pag. tem utcunque scribendum putavi. Igitur*  
 1056.

*ad vos divertens animo constitueram, cum*  
*quibuscunque de Eucharistia nihil loqui,*  
*priusquam secundum præceptum Evangelii*  
*& Apostoli Episcopis, ad quos contende-*  
*bam, satisfacissem. Inde factum est, ut*  
*nihil pæne vobis opposuerim, nihil conce-*  
*serim in Colloquio illo, ad quod quam in-*  
*digne tu conveneris, ut omittam ceteros,*  
*si rem consideres, non latebit. Hic de*  
*Collatione Briotnensi sermo est. Tum*  
*prosequitur: Inde etiam est, quod ad Sa-*  
*crilegam Guilielmi propositionem, omnem*  
*hominem ad mensam Dominicam debere*  
*in Paschate accedere, tacuerim. Hic Gui-*  
*lielmus erat alius Beccensis Monachus,*  
*postea Abbas Cormeliensis. Tum iterum*  
 Berengarius:

*Ut ergo ad rem veniam, audiui nunc*  
*jaçtitare Guilielmum, quod negare nequi-*  
*verim, Joannem Scotum esse Hæreticum.*  
*Quod falsum esse testis mihi es, si satis me-*  
*minististi verborum meorum; quamvis tu*  
 quo-



quoque Joannem Scotum Hæreticum ha- Sæculum XI.  
 beas. Deum precor, ne te diutius igno- A.C. 1050.  
 rare sinat, quam temeraria, quam impia,  
 quam Sacerdotio tuo indigna sit hæc Sen-  
 tentia. Sapis enim contra omnes natu-  
 ra rationes, Doctrinam Evangelii &  
 Apostoli, si cum Paschasio sapis, in eo quod  
 solus sibi confingit, Sacramento Dominici  
 Corporis panis substantiam omnino dece-  
 dere. (\*) Verba autem mea de Joanne  
 hæc fuerunt; me non omnia pervidisse,  
 quæ scripsit, quod etiamnum verum est,  
 quæ vero vidissem ad eam doctrinam per-  
 tinentia, recitare me posse ex Scriptis il-  
 lorum, quos dixeram, habendos etiam esse  
 Hæreticos in epistola ad Lanfrancum, si  
 Joannes Hæreticus esset. Nempe S. Am-  
 brosium, S. Hieronymum, & S. Augusti-  
 num. (\*\*)

Tum prosequitur: De cetero dicebam,  
 siquid in Joanne viderem non satis deli-  
 matum,

(\*) Insanit hic Berengarius cum omnibus suis  
 Sæclatoribus. Nam Præsentia realis Corporis  
 Jesu Christi in Sacramento Divinæ Majestati,  
 Charitati, Omnipotentia, verbis Doctrinæque  
 Evangelii & Apostoli maxime congruit. Dum  
 sententia Protestantium his omnibus opponi-  
 tur.

(\*\*) Si Sanctorum istorum Patrum dicta le-  
 gantur, nullibi impudentius quam hic mentitus  
 fuisse Berengarius convincitur.



Sæculum XI. matum, facile me improbatum esse. Hæc  
A.C. 1050. dicens, vera loquebar, & in illo transitu

Negatur  
 Præsentia  
 Realis.

longiorem discussionem declinabam ob cau-  
sam superius dictam. Duo tantum pro-  
tulit ille, sicut nosti, vir optimus (nem-  
pe Guilielmus) quæ a me affirmari ad eum  
pervenerant; convincere ipsa verba in con-  
secrationem panis instituta, non decedere  
Sacramento panis materiam, & Virgam  
Episcopalem non esse animarum curam.  
 Horum primum ego, sicut meminisse potes,  
 affirmavi, estque ita planum, ut id demon-  
 strare possit etiam puerulus in schola con-  
 stitutus, si modo utcunque constructionem  
 verborum capiat. Quod pertinet ad se-  
 cundum; econtra dixi & adhuc affirmo,  
 Virgam Episcopalem esse animarum cu-  
 ram. Nunc vero, quod coram Episcopis  
 dicere constitueram, vellem, si tuto lice-  
 ret, saltem coram te, quibuscunque au-  
 dientibus, profiteri. Sed quam diu non  
 possum, obsecro per nomen Domini, ne fal-  
 sum testem te facias, & dicas, quod Jo-  
 annem illum damnaverim, moneoque ut ca-  
 veas ab illo VÆ Evangelico, quod contra  
 Luc. 11. 52. illos profertur, qui tenentes clavem scien-  
 tiæ ipsi non introeunt, & introeuntes in-  
 troire non sinunt. Item a comminatione  
 Is. 30. 10. Prophetæ contra illos, qui dicunt viden-  
 tibus, nolite videre. Sicut ad me dixit  
 Arnulphus vester coram vobis, ut permit-  
 terem vos, sicut instituti essetis, sentire;  
 Quam



Quamquam totus in eo sim, ne quis trans-  
grediatur terminos Patrum, Evangelistæ,  
Apostoli, Ambrosii, Augustini, Hierony-  
mi. Quod ita se habere, si mihi tecum  
colloquendi copia fiat, quantum de ingenii  
tui perspicacitate præsumo, luce clarius  
pervidebis. Scripsi tibi hæc, ut potui, inte-  
rim opportunitatem tibi colloquendi a Do-  
mino expectans. Vale. Hucusque Be-  
rengarii epistola. Credunt vero, Epi-  
scopos, quorum in ea mentionem facit,  
illos esse, qui in Synodo Parisiensi con-  
venturi erant.

Sæculum XI.  
A.C. 1050.

Ascelinus respondit in hunc modum :  
Literas tuas nuper lætus suscepi, sperans  
festinum nobis tuæ correctionis significari  
gaudium. Sed iis perlectis lætitia mea  
versa est in mœrorem. O Deus! ubi est  
bodie illa ingenii tui vis, illa subtilitas,  
illa prudentia, qua præditus eras? cum  
etiam illa, nisi dissimulas, quæ in Collatio-  
ne nostra dicta sunt, oblitus sis, illam sen-  
tentiam Guilielmi dico; omnem hominem  
tempore Paschali debere ad mensam Domi-  
nicam accedere. Testes enim sumus, ipsum  
nihil aliud affirmasse, quam omnem Chri-  
stianum debere in Paschate de mensa Do-  
minica communicare, nisi pro aliquo cri-  
mine a se admissio a tam salubri convivio  
separetur. Quod ex præcepto Confessarii  
sui fiat, ne potestas clavium inutilis redda-  
tur.

Ascelini Epi-  
stola ad Be-  
rengarium.



Sæculum XI.  
A.C. 1050.

*tur. (\*) Sed ut ad me redeam, affirmavi, quod quamdiu vixero, certum & indubitatum tenebo, panem scilicet & vinum in Altari virtute Spiritus Sancti per Sacerdotis Ministerium, verum Corpus, verumque Sanguinem Christi effici. (\*\*) Joannem vero Scotum non temere, nec impie iudico, quem totis viribus contendere video, ut mihi persuadeat, hoc quod in Altari consecratur, neque vere Corpus, neque vere Christi Sanguinem esse. (\*\*\*) Et post pauca: Objecisti nobis, te Libellum illius non-*

(\*) In Doctrina Protestantium inutilis est potestas clavium, a Jesu Christo Apostolis tradita Joan. 19. cum non confiteantur.

(\*\*) In ipsa epistola sua Ascelinus addidit: Quod Scriptura attestante, satis evidenter probatur, si non sinistra interpretatione temeretur. Act. Conc. ex Edit. P. Hard. ad confundendos Protestantes nihil efficacius!

(\*\*\*) Hic iterum Ascelinus addidit; Hoc autem adstruere nititur ex SS. Patrum Opusculis quæ prave exponit. Quorum illam S. Gregorii Orationem hic annotari sufficiat. *Perficient in nobis tua, Domine, quæsumus, Sacramenta quod continent, ut quæ nunc specie gerimus, rerum veritate capiamus.* Quam exponendo prædictus Joannes, inter cetera Fidei nostræ contraria, *specie*, inquit, *geruntur ista, non veritate.* Quod non Catholice dictum, si bene tuam perspicacitatem novi, non ignoras. Act. Conc. Tom. VI, P. I. Edit. P. Harduini.



nondum ad finem usque perlegisse. Unde Sæculum XI.  
A.C. 1050.  
*satis mirari nequeo, te, tantæ scilicet prudentiæ virum, tantopere laudare, quod, quia non legisti, ignoras. Ceterum cum Paschasio aliisque Catholicis credo, verum Corpus verumque Sanguinem Christi a Fidelibus in Altari sumi. Sed neque in eo, ut dicis, contra Naturam pugno. Nam mihi hic Natura nihil aliud est, quam Dei voluntas, quæ omnipotens est. (\*)* Dicit deinde Ascelinus se a sententia Joannis Scoti discedere ideo fuisse coactum, quod ipsum cuidam Orationi S. Gregorii sensum perversum affingere deprehendisset. Berengario exprobrat, quod aliud sentiat, quam Ecclesia Universalis, & asserit, Arnulphum Cantorem jure merito ad ipsum dixisse: *Sine nos credere, quod edocti fuimus. Volebat scilicet, ait, te admonere, ne aberrares ab illa via recta & trita, quam nobis ostenderunt Magistri & Doctores nostri sanctissimi, sapientissimi, & Catholici.* In fine hortatur, ut Librum illum abjiciat, damnatum in Concilio Vercellensi, quod Concilium plenum dicit, atque ad Traditionem Ecclesiæ Catholicæ redeat.

Cc 4

Theo-

---

(\*) Testimonium & Argumentum in ipsis S. Scripturæ verbis fundatum Protestantibus indissolubile!



Sæculum XI.

A.C. 1050.

Episcopus Leodiensis comperto, quod  
 Parisiis in causa Berengarii Concilium ef-  
 set celebrandum, ad Henricum Regem  
 Franciæ dedit epistolam hujus ferme  
 sensus: *Fama supremos Gallia fines præ-  
 tergressa totam Germaniam pervasit, quod*  
*tom. 9. Conc. Bruno Episcopus Andegavensis, & Beren-*  
*p. 1061. to. 4. garius Clericus Turonensis antiquas Hæ-*  
*Analect. pag. 396. reses modernis temporibus introducendo*  
*asserunt, Corpus Domini non tam Corpus*  
*esse, quam umbram & figuram Corporis*  
*Domini, quod etiam legitima conjugia de-*  
*struant, & quantum in ipsis est, Baptis-*  
 *mum parvulorum evertant. Porro ajunt,*  
*vos, pro zelo vestro, quo Ecclesiam defen-*  
*ditis, ad eos publice confutandos, & illu-*  
*strissimum Regnum vestrum ab hoc oppro-*  
*brio liberandum, Concilium convocasse.*  
*Sed non speramus, id fieri posse, cum Bru-*  
*no Episcopus sit, Episcopum autem sine*  
*Auctoritate Apostolica damnari non oport-*  
*eat. Igitur omnes Ecclesiæ Matris filii*  
*in maximo dolore positi sumus; nam ti-*  
*memus, ne si miserrimi & perditissimi vi-*  
*ri in Concilio, in quo puniri non possunt,*  
*audiantur, novissima pejora prioribus eve-*  
*niant.*

Itaque Majestatem tuam supplices  
 rogamus, ne impios & Sacrilegos in con-  
 spectum admittat, donec eos conde-  
 mnandi potestatem a Romana Sede ac-  
 ceperit.



ceperit. Quamquam hujusmodi homi- Sæculum XI.  
 nes ne quidem audiri expediat, sed po- A.C. 1050.  
 tius de eorum supplicio exquirendum sit. Theoduini  
 Tunc quippe Hæretici audiendi fuerunt, Epistola ad  
 quando ejusmodi quæstiones necdum Regem.  
 plene discussæ erant. Nunc vero tum  
 in SS. Patrum Conciliis, tum venerabi-  
 lium Doctorum clarissimis sententiis  
 omnia ita liquent, ut nullus dubitandi  
 locus supersit. Hic Theoduinus com-  
 plures SS. Patrum sententias contra Be-  
 rengarii errorem inserit, & ita conclu-  
 dit: *Quamobrem Brunonem & Berenga-*  
*rium dudum anathematizatos arbitramur.*  
*Quod si ita est, vobis cum vestris nostris-*  
*que Episcopis, cum Imperatore amico ve-*  
*stro & cum ipso Papa deliberandum cense-*  
*mus, quam vindictam in eos statui oport-*  
*teat.*

Sub idem tempus scripta putatur ad  
 Berengarium epistola ab Adelmanno tunc  
 Ecclesiæ Leodiensis Scholastico postea  
 Episcopo Brixienfi. Cujus initium est:  
*Fratrem meum collactaneum te nominare*  
*non dubito, memor dulcissimæ societatis,*  
*in qua tempus juventutis nostræ in schola*  
*Carnutensi, sub Socrate nostro (Fulberto*  
*Episcopo) tu minor & ego aliquantulum*  
*major transegimus.* Deinde Adelman-  
 nus Berengario in memoriam reducit  
 colloquia illa & monita, quibus S. Epi-  
 scopus ambos privatim sub crepusculum

Cc 5

in



Sæculum XI. in hortulo prope Sacellum instituebat,  
A.C.1050. tam tenero affectu, ut sæpe lacrymæ vo-  
 cem impedirent, hortatus; viam tritam  
 semper tenerent, Patrum vestigiis soli-  
 cite insisterent, & ab iis nunquam defe-  
 cterent. Subjungit: *Custodiat te Domi-  
 nus, Sancte frater mi, ne in vias pravas  
 abeas, & faxit, ut falsitas famæ, quæ in plu-  
 rimis locis atque etiam in Germania, ubi  
 jam diu peregrinus dego, labem nomini tuo  
 aspergit, omnibus pateat.*

*Ab unitate Ecclesiæ recessisse diceris  
 affirmando, illud quod quotidie super Al-  
 tare ubique terrarum immolatur, non esse  
 verum corpus & verum Sanguinem Jesu  
 Christi, sed tantum figuram & similitudi-  
 nem. Cum hæc de te ante biennium audivis-  
 sem, constituera tibi scribere & rei veri-  
 tatem a te ipso percipere. Sed sciens ami-  
 cum tuum Paulinum, Primicerium Meten-  
 sem, tibi propiorem habitare, eum rogavi  
 ut scriberet, promisitque, sed facere ne-  
 glexit. Jam vero aliam scribendi occa-  
 sionem Deo dante nactus sum. Obtestor  
 te itaque per Dei misericordiam & caris-  
 simi Fulberti memoriam! ne turbes pacem  
 Ecclesiæ Catholicæ, pro qua tot millia  
 Martyrum Doctorumque decertarunt, &  
 fortiter defenderunt, omnibus Hæreticis  
 obmutescere coactis. Tandem Adelman-  
 nus communem Fidelium Fidem de Ev-  
 charistia ex verbis S. Scripturæ demon-  
 strat,*



frat, ostenditque, semper Jesum Chri- Sæculum XI.  
stum esse, qui consecrat, sicut etiam JE- A.C. 1050.  
sum Christum, qui baptizat.

## §. LXXI.

*Concilium Parisiense.*

Concilium Parisiense præstituta die de- Durand.  
cima sexta Octobris anno millesimo Troarn.  
quingagesimo celebratum. Adfuerunt  
magno numero Episcopi, Clerici, Nobi-  
les Laici, Rege ipso præsentē. At Beren-  
garius, etsi mandata accepisset, quibus  
venire jubebatur, non paruit, sed apud  
Episcopum suum Brunonem, quem suis  
erroribus infecerat, mansit. Nihilomi-  
nus Isembertus Episcopus Aurelianensis  
epistolam admodum prolixam publice  
producens ait: *Jubete, obsecro, ut lega-  
tur hæc Berengarii epistola, non equidem  
mibi scripta, sed a me intercepta, cum eam  
per nuncium cuidam amicorum suorum no-  
mine Paulo mitteret.* Hic non alius quam  
Paulinus Primicerius Metensis fuisse cre-  
ditur. Ergo lecta est hæc epistola in-  
gentique omnium expectatione excepta.  
Verum cum indignationem plerique pre-  
mere non valerent, sæpius auditorum  
fremitu turbatus est lector priusquam ad  
finem pervenisset. Nec mora Berenga-  
rius cum Sectatoribus suis una voce da-  
mnatus, atque etiam Joannis Scoti liber,  
ex quo nefandi errores hausti fuerant.

Tum